

جَزَائِرُ مَحَاكِمَتِ

سالی

نومرو	ذی القعدہ	سنہ	ایلول	سنہ	صحیفہ
۲۲۰	۲۳	۱۳۰۰	۱۳	۱۲۹۹	۱۷۵۳

اشبو غزرتہ بہر ہفتہ صالی کونلری چیقار . سنہ لکی مجیدی اچہ التمش غروشدہ بہر نسخہ سی التمش
 پارہ مجیدی بہ اولہرق ہر یردہ صاتبیلور . درج اولنہ جنق اعلاناتک بہر سطرندن ایکی غروش النور .
 سنہ لکنہ مشتری اولوق استیانلر عدلیہ نظارت جلیہ سی اوراق مدیر لکنہ مراجعت ایتلیدر

نام شخصک جزا قانوننامہ ہمایونک التمش اوچنجی
 مادہ سی ذیلنہ توفیقاً اوج سنہ مدتلہ کورکہ قونلسنہ
 واعلام خرجیلہ مصارف سائرہ نک تحصیلنہ حکم
 اولنہرق تفہیم قلندیغنی مبین بولنمشدر
 ذکر اولنان تبلیغنامہ دخی اساس دعاویدن معدود
 اولانوقانوناً تنظیمی لازم کلان محاکمہ ضبطنامہ سندہ
 اصول محاکمات جزائیہ قانون موقنتک ایکویوز الی
 برنجی وایکیوز التمش دردنجی وایکیوز التمش بشنجی
 وایکیوز التمش التنجی وشاہد لک افادہ لری بینندہ
 مباہیت اولدیغنی خالدہ شاہدلر حقندہ اولان ایکویوز
 التمش سکرنجی وایکیوز التمش طقوزنجی وایکیوز
 یتمشنجی مادہلر احکامی اجرا اولندیغنی وھیئت
 اتہامیہ مضبطہ سندہ دخی ایکویوز دردنجی وایکیوز
 التنجی وایکیوز یدنجی مادہلر موجبنجہ مدعی
 عمومینک استماع اولندیغنی وضبط کاتبی طرفندن
 ہیئت اتہامیہ حضورندہ اوراق قرائت اولندقدن
 ومدعی عمومی ممضی ادعا نامہ سی ہیئتہ تسلیم

(فی ۱۶ ذی القعدہ سنہ ۱۳۰۰ وفی ۶)
 (ایلول سنہ ۹۹ تاریخیلہ محکمہ تمیز جزا)
 (دائرہ سندن ویریلان اعلامک صورتیدر)

سیواس ولایتی استیناف محکمہ سنک فی ۵ ربیع
 الآخر سنہ ۹۸ وفی ۲۱ شباط سنہ ۹۶
 تاریخلی و یوز یکر می نومرولی اعلامیلہ اوراق
 متفرعہ سی ولایت مشار الیہا مدعی عمومیلکنندن
 باخبریات ارسال و باش مدعی عمومیلک مأموریت
 بہیدہ سندن دخی فی ۲ ربیع الاول سنہ ۹۹ فی
 ۹ کانون ثانی سنہ ۹۷ تاریخلی و بیگ قرق یدی
 نومرولی تبلیغنامہ ایلہ محکمہ تمیز جزا دائرہ سنہ
 اعطا قلنمشدر

مذکور اعلام مالی خورون قریہ سی متمکنلرندن
 چاقر اوغلی قسطنینک غصب اولنان اوکوزلرینک
 فاصبلری اولان مجھول الاشخاص ایکی نفر چرکسہ
 یتاقلق ایتمش اوللرندن طولابی مظنون علیہ اولوب
 جنایتلہ اتہام اولنان تختویہ قریہ لی کرونیل مادی

ایندکدن صکره طیشارویه چیدقلمینی متعاقب
کیفینک بلا فاصله مذاکره ایدلدیکنه وایکیوز اون
دردیجی وایکیوز اون بشنجی مادهل اقتضاسنجیه
فعلک تعریف بجملیله جرمک نوع قانونیدی و متهمک
توقیفخانهیه کتورلسی امری مندرج اولدیغنه دأر
صراحت کوربله مدیکنه بناء ایکوز اون النجی
واوچیوز النجی مادهل موجبجه ککرک هیئت
اتهامیهجه واکرک محاکمهجه جریان ایدن معاملات
کأن لم یکن حکمنده عد اولنهرق اوچیوز اون دردیجی
ماده مقتضاسنجیه اعلام مذکور ایله برابر مضبطه
مذکوره نک تقضی لازم کلهجکی بیان اولمشدر

اوراق سائرہ دخی قرآتله تدقیقات تمیزیه به ابتدار
اولندقدہ واقعا تبلیغنامهده کوسترادیکی وجهله
هیئت اتهامیهده مدعی عمومی اجتماع ایدلماش اولدیغی
کبی مضبطه اتهامیه به ادعا نامدسی و فعلک تعریف
بجملیله متهمک اخذ و گرفت امری دخی درج ایدلماش
اولدیغی اکلاشلدیغنه و قانون موقت مذکورک ایکوز
اون دردیجی وایکیوز اون النجی مادهل منطوقجه
مدعی عمومی ادعاسی و اخذ و گرفت امری مندرج
اویان مضبطه اتهامیه نک كأن لم یکن حکمنده طولسی
لازم کلوب انی تعاقب ایدن معاملاتک بالطبع انفساخی
دخی حکم قانون اقتضاسندن بولندیغنه مبنی اعتراضات
سائرہ نک تدقیقنه محل اولدیغندن قانون مذکورک
اوچیوز اون دردیجی ماده سنه توفیقاً ذکر اولنان
مضبطه نک فسخنه و اعلامک تقضنه قرار و برلدی

- (فی ۱۶ ذی القعدة سنه ۱۳۰۰ و فی ۶)
- (ایلول سنه ۱۲۹۹ تاریخله محکمه تمیز)
- (جزا دأره سندن ویریلان اعلامک صورتیدر)

مدعی عمومی مومی ایله مظنون علیهم حاضر
اولدفلی حالدہ اوراق تحقیقیه قرآت اولدقدن
واصول محاکمات جزائیہ قانون موقتک هیئت اتهامیه
فصلنده مندرج احکام مخصوصه به توفیق معامله
ایدلدکدن صکره لدی المذاکره اوراق مذکورهده
مندرج دلائل و امارات حکمنجه اوراق صحیحه مأموری
سعید و باندرول مأموری حافظ امین بکرک کندولرینه
تودیع اولنان اموال دولتی و مدیر یعقوب افندیکنک
دخی اون بریک کسور لیرالق پولاری سرفت
ایدلکری ثابت اولدیغی مثلاً صندیق امینی عثمان
افندیکنک حرکتی دخی مال میری سرفتنه یتاقلق
درجه سنده اصول محاکمات جزائیہ قانونک ایکوز
طقوزنجی ماده سنده محرر جرایم مشترکدن معدود
اولهرق جمله سنک حرکتلری قانون جزانک سکسان
ایکنجی ماده سی حکمنی مستلزم افعال جنسایه دن
اولدیغنه بناء مرقومون سعید و حافظ بکرله یعقوب
و عثمان افندیکنک جنایتله اتهاملرینه و بنارین ولایت
محکمه استینافیه سی جزا دأره سنده محاکم لری اجرا
قلنق اوزره محکمه مذکوره توقیفخانه سنه نقل
اولنلرینه و ناظر حابر افندیکنک فعل سرفتنه مدخل
و مشارکتی حقنده کوستریلان امارات مدار اتهام
کور یله میوب فقط اداره عمومیه دن کندوسنه
ویریلان اوامر ووظائفی تمامی اجرا ده بولندیغی
اکلاشلدیغندن حقنده یوز ایکنجی ماده قانونیه نک
قره ثانیه سی حکمنه توفیقاً محکمه مذکورهجه
اقتضا ایدن معامله و محاکمه نک اجراسی ضمنده تخلیه
سبیلنه اتفاق و مرقوم یعقوب افندیکنک قصور پول
ایله باندروللری سرفتنده اشتراکی ثابت اولدیغنه اکثریت
آرا ایله قرار ویریلهرک مدعی عمومیک طرفندن
اولباده تنظیم اولنان اتهامنامه اوزرینه محاکم لری
لدی الاجرا هیئت اتهامیه نک متهملردن سعید بک

ایله یعقوب و عثمان افندیکنک حقالرنده اولان قراری تحت
تصدیقہ النهرق مرقومونک قانون جزانک سکسان
ایکنجی ماده سنه توفیقاً دولتجه تعیین اولنهرق محکمه
بشر سنه مدتلہ قلعہ بند و مؤبدأرتبه و مأموریدن
مخروم ایدلرینه و مصارف محاکمه ایله اعلام خرجی
اولان بیک بدی یوز سکسان غروشک کندولرندن
تحصیلنه و تضمینات بحشه کلنجہ نقصان ظهور ایدن
برملیون بدی یوز الی درت بیک سکز یوز التمش ایکی
غروش الی سانتیمک ایکی قاتی اولان اوچ ملیون
بشویوز طقوز بیک بدی یوز بکرکی بش غروشندن
ظاهره چیقاریلان برملیون التمش بیک درتیوز بکرکی
القی غروشک سرفتنده یعقوب و عثمان افندیکنک دخی
اشتراکی ثابت اولدیغندن بونک برملینک سعید بکله
یعقوب و عثمان افندیکنک و ظاهره چیقار یله میان
التیوز طقسان درت بیک درتیوز او توزالتی غروش
الی سانتیمک سرفتنده عثمان و یعقوب افندیکنک
اشتراکی اکلاشلدیغندن بونک ایکی مثلی اولان
برملیون اوچیوز سکسان سکز بیک سکز یوز التمش
اوچ غروشک یا سکز سعید بکدن تحصیلنه و اولدیغی
صورتده اصولی دأره سنده کفیلرینه مراجعت
ایدلسنه واشبو تضمیناتدن متولد اوچیوز الی ایرا
طقسان بش غروش اون پاره اعلام خرجنک بعده
مومی الیهمه عالی و راجع اولق اوزره اول امرده
ادرنه رسوم سته نظارتی و زنه سندن اخذواستحصالیله
ظاهره چیقارلش اولان پوللرک دخی علی الاصول
تسلیمنه سعید بک حقنده اکثریت مطلقه و یعقوب
و عثمان افندیکنک حقه دخی اتفاق و حافظ امین بک حقنده
ثلثان آرانک عدم حصولندن ناشی مجرم اولدیغنه
قرار ویرلدیکندن علیهنه ایراد اولنان اشبو تضمینات
دعواسنک حقوق عمومیه دن منبعث اولق اوزره
رؤیت محکمه نک وظائفی خارجنده کورلمکله اشبو

تضمینات دعواسی ایچون حقوق عادیه محکمه سنه لزوم مراجعتنه اکثریت آرا ایله قرار ویر یله رک تفهیم قلندیغنی بیاندن عبارتدر

اشبو محکوملردن سعید بک ایله یعقوب افندی طرفلردن ویریلان اعتراض لایحه لرده روم ایلی ولایاتی قانوننامه سنک ایکویز التمش النجی ماده سی موجبجه حق لرده شکایت وقوعولان مأمورلرک تحت اتهامه النوب التمام سی حقنده اول امر ده مجالس اداره دن برقرار اعطاسنه لزوم کوسترلش ایسه ده بوجهت مأمورینه بر امتیاز مخصوص دیمک اولوب یوقسه اصول محاکمات جزاییه قانون موقتی احکامجه تشکل ایده جک هیئت اتهامیه وظیفه سی مجلس اداره یه ویرلماش اولدیغندن و بو حوالده مجلس اداره او یولده برقرار ویردکدن صکره اوراق تحقیقیه نک روم ایلی قانونی لایحه سنک ایکویز التمش سکرنجی ماده سیله مأمورین محاکمه سنه دائر اولان مواد مندرجه سی احکامندن استنباط واستدلال اولندیغنه کوره علی الاصول مستنطقه کوندرلمسی وهیئت اتهامیه دن یکمسی لازم کلور ایکن طوغریجه جنایت محکمه سنه کوندرلمسی بولسز ایدوکندن و اعتراضات سائرده دن بکثله اعلام مذکورک نقضی استدما اولمشدر

محکمه استیناف مدعی عمومیلکی جانبندن تنظیم واعطا قلنان لایحه اعتراضیه ده دخی مرقومون سعید بک ایله یعقوب عثمان افندیلر حقنده ویریلان قرار موافق قانون اولوب انجق باندرول مأموری حافظ بکک ید اداره و امانتنه مودوع اولان مخزن قپوسنک اختاری کندوسنده اولدیغنی کبی اشبو مخزنک موقع و متانننه و کجه و کونوز قپوسنده نوبنجی بکلتدیرلکده اولسنه نظراً خارجدن کیرمک بر صورتله قابل اوله مدقندن و بالاحتیاط مکرراً اجرا قلنان

معاینه ده خارجدن سارق دخولنه دائر بر اثر کور یله مدکندن بشقه دخول ایتش اولسه یله سرقت ایدلش اولان باندرولر تخمیناً اون بش دنگ و بهر دنکی یتشرفیه کلور بر قاج عر به یوکی اوراق اولوب بو قدر باندرولری خارجدن کیرن سارقک الوب کتوره میه جکی بدیهی اولسی وضایعاتک اکثر یسنک هب صرفی سهولتله ممکن اولان باندرولره تصادف ایدرک بونلری خارجدن کله جک سارقک تفریق امکان خارجده بولنسی و باندرولرک رسوماتدن رسوم سنه یه تام اوله رق دور اولندیغنی حافظ بک طرفندن تصدیق ایدلشی جهتله یله مجرد قاتونک حسن جریانی محافظه اصول محاکمات جزاییه قانونک اوچبوز اون بشنجی ماده سی موجبجه حافظ بک حقنده اولان حکمک تمیزاً نقضی طاب اولمشدر

سالف الذکر تبلیغنامه مندرجاتی دخی موقفاً مرعیت احکامنه اراده سنیه حضرت پادشاهی شرفعلی ایدن روم ایلی ولایاتی قانونک مأمورین محاکمه سی بیانده اولان اون سکرنجی فصلنک محتوی اولدیغنی ایکویز التمش اوچنجی ماده ایله مواد متعاقبه سنده اتهام کله سی وار ایسه ده بونک اصول محاکمات جزاییه قانوننده مندرج اولان اتهام معناسنه اولق لازم کلیوب انجق مجالس اداره طرفندن مظنون علیه بولنان مأمورک تحت محاکمه یه النسی لزومنی متضمن قرار اعطاسندن و مضبطه تطبیندن عبارت دیمک اولوب بومقوله مضطبه و قرارلرک ایسه بالطبع محاکم جزاییه ده مستنطق طرفندن ویریلان قرار نامهلر حکم و راده سنده بولنق اقتضا ایده جکندن اگرچه مضطبه مذکوره قباحت و یا جنحه یه دائر ایسه مدعی عمومی به کوندرلکده تحقیقات اولیه سی مجالس اداره جه اجرا ایدلش بولنه جغنی جهتله ارتق ایشک

مستنطقه حواله سی لازم کلیوب مدعی عمومی طرفندن اصول محاکمات جزاییه قانون موقتک یوز النجی و یوز التمش النجی ماده لری احکامجه طوغر یدن طوغری به محکمه حضورنده اقامه دعوی ایدلشی لازم کله جکی کبی شاید مضطبه ده کوستریلان فعل جنایت نوبعدن اولور ایسه مادامکه محاکم جزاییه ده جنایتله مظنون علیه اولان بر شخصک هیئت اتهامیه دن یکم دیکه محاکمه سنک جنایت محکمه سنده طوغر یدن طوغری به رؤیتی قانوناً جائز اوله میه جغنی جهتله بومثلاً مضطبه لرک مستنطق قرارنامه سی مقامنده عدیله ارتق یکیدن تحقیقات استنطاقیه اجرا سنه حاجت کور یله میوب اوراق متفرعه سیله برابر ایجاب ایدن هیئت اتهامیه اعطاسیله اصول محاکمات جزاییه قانون موقتک هیئت اتهامیه نک وظائفته دائر اولان فصل مخصوص احکامجه معامله قانونیه سی بعد الایفا جنایتله اتهامی متضمن مضطبه صادر اولدیغنی حالده محاکمه لازم سنک محکمه جنایتجه اجراسی اقتضا ایده جکی درکار بولنش ایکن خصوص مذکورک مواد جنایتیه دن اولدیغنی حالده هیئت اتهامیه دن یکم کسزین محاکمه سی بالاجرا حکمی اعطا قلنسی معایر قانون بولنش و بناء علیه اعتراضات مذکوره شایان التفات کورنمش اولدیغنی کبی اصول محاکمات جزاییه قانونک ایکویز الی برنجی ماده سی حکمجه ادعای مفسوخیت حقنده معین اولان مدت قانونیه نک مرورندن صکره محاکمه یه یا شلائق لازم کلور ایکن بوایشه مفسوخیت حقنده اولنه جق معاملاتک متهملره اخطاره و وضع امضا اولندیغنی محاکمه ضبطنامه سنده کوستریلان فی ۲۲ شباط سنه ۹۷ تاریخنده یعنی ینه اوکون محاکمه یه یا شلائنسی دخی اساساً حق مدافعه یه تعلق جهتله اصول محاکمه یه مخالف بولنش اولغله بومقوله مواد جنایتیه ده مجرم علیه نه

اکثریت ثلثان آرانک اجتماعیه حاصل اوله جغنی قانون مذکورک ایکویز طقسانجی ماده سنک فقره اخیره سی احکامی اقتضاسندن بولنش و حتی متهملردن حافظ امین بک علیه نه ثلثان آرانک عدم حصولدناشی میرمومی الیهک مجرم اولدیغنه قرار ویرلش ایکن حکم اعلامنده و ضبط ورقه سنده کوسترلدیکی وجهله سعید بک حقنده اکثریت مطلقه ایله قرار ویرلشی دخی ماده مذکوره یه معایر اولوب بوا یسه حکم مذکورک نقضی استتزام ایدن اسباب قانونیه دن بولندیغنه و مدعی عمومیلک طرفندن دخی مومی ایله حافظ امین بک حقنده احوال مشروحده دن طولایی مجرد قانونک حسن جریانی تأمین ایچون در میان اولنان نقض ادعاسی دخی ذکر اولنان اوچبوز اون بشنجی ماده حکمته موافق و صلاحیت قانونیه سی دائره سنده اولدیغنه و هر نقدر قرار مزبور برائت حکمی متضمن ایسه ده دیکرلر یله ارتباط و تعلق اولوب اساساً جرایم مشترکده دن بولنسنه و ذاتاً خصوص مذکور دخی هیئت اتهامیه دن یکم ماش اولسنه مبنی قانوناً ویرلش برائت قراری عدولنه میه جغنه بناء اصول محاکمات جزاییه قانونک اوچبوز اون دردیجی ماده سی موجبجه اعلام مزبورک نقضی طلبنه دائر در بالاده محرر اولدیغنی اوزره اعلام مزبورک علیه نه کرک محکوم علیه هم طرفلردن و کرک محلی مدعی عمومی ایله باش مدعی عمومیلک جانبندن وقوع بولان اعتراض اساساً درت صورتدن عبارت اولوب برنجیسی مجلس اداره ولایت مضطبه سنک قانوناً مضطبه اتهامیه دن معدود اولماسی ایکنجیسی حافظ امین بک حقنده اولان برائت قرار ینک عدم اصابتی اوچنجیسی محکمه مذکوره جه هیئت اتهامیه مضطبه سنک مفسوخیتی ادعاسی حقنده متهملره

وقوع جولان اخطاردن صکره معین اولان مدت قانونیه مرور ایتمکسزین همان اوکون محاکمه به باشلانسی و در دنجیسی محکوم علیهمدن سعید بک حقیقه اکثریت مطلقه ایله قرار و براسی ماده لری اولغله دعوی مذکوره به متعلق سائر اوراق دخی قرائت اولندقدن صکره اعتراضات مذکوره حقیقه تدقیقات تمیزیه اجرا اولندقدن سالف الذکر روم ایلی ولایاتی نظامنامه سنک مأمورین محاکمته دأر اولان فصلنک ایکوز التمش یدنجی ماده سننده مصرح اولدیغی اوزره بوقوله جنایت نوعندن اولان بر فعل ایله مظنون علیه بولنان مأمورک اول امرده تشکل ایده جک مجلس اداره جه بعد الاتهام عأد اولدیغی محکمه ده محاکمه سنک اجراسی لازم کلوب ایکوز التمش سکرنجی ماده سننده اتهامه عأد معاملاتده اصول محاکمات جزایه احکامنه توفیق حرکت اولنسنک کوسترلسی دخی بوضورتی مؤید کورنیدیکنه مبنی بوماده حقیقه تشکل ایدن مجلس اداره هیئت اتهامیه مقامنده و بناء علیه اندن صادر اولان مضبطه دخی هیئت اتهامیه مضبطه سی حکمنده اولمسيله اول مجتهده در میان اولنان اعتراض غیر وارد اولدیغنه وسعید بک برائی حقیقه کی قراره وقوع جولان ایکنجی اعتراض دلائل موجوده نك حکمه کفایتنه دأر و بوايسه محکمه مذکوره هیئتنک وجدانته تعلق ایدر تقدیر اتدن ای دوککنه و اوچنجی و در دنجی اعتراضله کلنجه واقعا محاکمه ضبطنامه سننه نظراً متهملرک مفسوخیت دعواسی ایچون وقوع جولان استجوابلری کونی محاکمه به مباشرت اولنددیغی کوسترلس و اعلامده دخی سعید بک حقیقه اولان حکمک اکثریت مطلقه ایله حقوق کوسترلس ایسه ده محکمه جه اجرا قلمش اولان معامله استجوابیه (بقیه سی صکره)

اعلانات

طقسان یدی سنه سی شهر نیسانک یکر می طقوزنجی صالی کبجه سی بیغا سنجاغنه تابع لابسکی قضا سنک چارداق قریه سننده مستأجراً اقامت ایتمکده اولدیغی خانه ده قتل و اتلاف اولمش و مؤخرأ درون خانه ده بولنان قبویه اتلش اولان علی بن عبداللهک کیفیت قتلندن طولای مظنون علیه بولنانلردن اولوب فرارده بولنان فایه مهاجرلردن اورته بویلی دوز التلی الا کوزلی کوچک برون و اغزلی طوپارلق چکملی قرال قاش و صاچلی اسمر چهره لی چقنجی اصنافدن قضاء مذکورک فیضیه قریه سننده اقامت ایلیان قرق بش یاشنده احمد نام کسنده الده ای دیلان رفیق مصطفی طوسون پهلوان ایله بالاشترک قتل مذکور ی اغاعه جسارت ایلدکاری اوراق تحقیقه مألرندن اکلاشلش و حرکتی قانون جزانک یوز یتش در دنجی ماده سنک ققره اولاسی حکمنی مستلزم افعال جنایه دن اولوب لواء مذکور بدایت جزا محکمه سننده غیاباً محاکمه سی اجرا اولنق اوزره جنایتله اتهامنه قرار و برلش اولدیغندن فراری مرقوم احمد هر زرده کوریلور ایسه طوتیلوب محکمه مذکوره حبسخانه سنه تسلیمی لازم کله جکی بالجمله معلومی اولق اوزره اشبو اخذ و کرفت امری در سعادت محکمه استینافیه سی زنده متشکل هیئت اتهامیه دن و یریلان مذکره اوزرینه اعلان اولنور

۱۶ ذی القعدة سنه ۱۳۰۰ و فی ۶ ایلول سنه ۹۹

طقسان طقوز سنه سی اغستوسنک طقوزنجی بازار ایرنسی کونی بیغا سنجاغنی داخنده کائن یش قریه سی

ساکنلردن پهلوان اوغلی محمدک اون سکر یاشنده بولنان کریمه سی نظیفه یه قتل قصدیه طبا بجه انداخت ایدرک جرح ایلمسندن طولای مظنون علیه بولنان اوزون بویلی یصی التلی بیو بکجه برونلی الا کوزلی بیوک اغزلی طوپارلق چکملی سیاه قاش و صاچلی اسمر چهره لی چقنجی اصنافدن تبعه دولت علیه دن قریه مذکوره لی قرق یاشنده دلی سلیمان نام شخصک فعل مذکوره جرأله فرار ایلدیکی اوراق تحقیقه مألرندن نمایان اولمش و حرکت واقعه سی جزا قانوننامه همایونک یوز سکسانجی ماده سی حکمنی مستلزم افعال جنایه دن اولوب بیغا بدایت جزا محکمه سننده غیاباً محاکمه سی اجرا اولنق اوزره جنایتله اتهامنه قرار و برلش اولدیغندن فراری مرقوم هر زرده کوریلور ایسه طوتیلوب محکمه مذکوره حبسخانه سنه تسلیمی لازم کله جکی بالجمله ضابطه عدلیه مأمورلر ینک معلومی اولق اوزره اشبو اخذ و کرفت امری در سعادت محکمه استینافیه سی زنده متشکل هیئت اتهامیه دن و یریلان مذکره اوزرینه اعلان اولنور

۱۶ ذی القعدة سنه ۱۳۰۰ و فی ۶ ایلول سنه ۹۹

بیغا قضا سننده کائن طوغانجی قریه سی اهالیسنندن چرکس حاجی یوسف اوغلی اون یدی یاشنده ابراهیمک قتل اولنسن طولای مظنون علیه اولان اوزون بجه بویلی دوز التلی بیو بکجه برونلی قره کوزلی اورته اغزلی صاریجه صقال و چکملی قرال قاش و صاچلی بیاض چهره لی رنجبر اصنافدن و قریه مذکوره ساکنلردن یکر می بش یاشنده چرکس عطوب بن محمدک قتل قصدی اولقسزین مزبور ابراهیمی اثنای منازعه ده دکرن ایله یاشندن اوزوب مرقوم

ابراهیمک متأثراً وفات ایلدیکی و مرقوم عطونک فرار ایلدیکی اوراق تحقیقه مألرندن مستبان اولمش و حرکتی قانون جزانک یوز یتش یدنجی ماده سنک ذیلی حکمنی مستلزم جنایاتدن معدود اولوب بیغا بدایت محکمه سننده غیاباً محاکمه سی اجرا اولنق اوزره جنایتله اتهامنه قرار و برلش اولدیغندن مرقوم هر زرده کوریلور ایسه طوتیلوب محکمه مذکوره حبسخانه سنه تسلیمی لازم کله جکی بالجمله ضابطه عدلیه مأمورلر ینک معلومی اولق اوزره اشبو اخذ و کرفت امری در سعادت هیئت اتهامیه سنندن و یریلان مذکره اوزرینه اعلان اولنور

۱۶ ذی القعدة سنه ۱۳۰۰ و فی ۶ ایلول سنه ۹۹

تجار دن ابراهیم بکک اسبق پوسته خاله ناظری سعادتلو اسماعیل پاشا حضر تریته دینی بولنان مبالغ معلومه نك تسویه سی ضمننده مدیون مومی الیهک متصرف اولوب فروخته موافقت ایلدیکی اسکدارده بلبل دره سننده ایجادیه محله سننده کائن اولک وصول جهتی چاملیجه جاده سی صاغ طرفی اوستریا دولتی تبعه سنندن و تجاران دن کوزلکلی زاده ابراهیمک خانه سی ارقه جهتی سلطان تپه سی جاده سیله محدود تخمیناً تریعاً اون بر بیک سکر یوز قرق بیق ذراع مقداری سکر نومرو ایله مرقم برقطعه عرصه ده بولنان جس حصه سنک تاریخ اعلانن اعتباراً اون بش کون صکره بالزایده فروخته تشبث اولنجهنی در سعادت بدایت محکمه سی اجرا اتره سنندن اعلان اولنور

۱۳ ایلول سنه ۹۹

فروختی مقرر اولغله تاریخ اعلان اعتباراً اون بش
کون صکره مزایده سنه مبادرت اولنه جنی اسکدار
بدایت محکمه سی اجرا دائره سندن اعلان اولنور

حسن اغانک $\frac{۲۰۰}{۱۲۴}$ نومرولی اعلام موجنبجه عطیه
وسروت ووسیه خانملره دینی اولان مبالغ معلومه نك
تسویه سی ضمنده بیوک دره ده بیوک دره جاده سنده
یوز التمش سکر نومرولی بر باب دکان ایله یوز یتش
نومرولی بر باب خانه ده متصرف اولدیغی نصف
حصه شایعه سنك تاریخ اعلان اعتباراً اون بش کون
صکره بالمزایده فروخته تشبث ایدیله جکی بک اوغلی
بدایت محکمه سی اجرا ماموریتی جانبنندن اعلان اولنور
فی ۲۹ اغستوس سنه ۹۹

رنده جی حسین اغانک جهت کفالتدن عثمان افندی به
 $\frac{۹۸}{۲۷}$ نومرولی اعلام موجنبجه دینی اولان مبالغ
معلومه نك تسویه سنه صورت ککوستر مدیکندن
قره باش محله سنده بوغاز کسان جاده سنده یتش سکر
نومرولی ایله مرقم دکانده درت حصه اعتبار ایله
متصرف اولدیغی بر ربع حصه شایعه سنك تاریخ
اعلان اعتباراً اون بش کون صکره بالمزایده فروخته
تشبث ایدیله جکی بک اوغلی بدایت محکمه سی اجرا
ماموریتی جانبنندن اعلان اولنور
فی ۱۹ اغستوس سنه ۹۹

مطبعة عامره ده طبع اولندی

اسکدار پولیس مدیری سعادتلو علی رضا پاشا
حضر تکرینک قلمنجچی اصنافندن قارینک ذمتنده
دکان ایجارندن مترکم مبالغ معلومه نك تأمین استیفاسی
ضمنده مدیون مرقومک دکانده بولسان و مأمور
مخصوص معرفتیه بوندن اقدام تحت حجزه الدیر یلان
وزیرده مفرداتی کوستریلان اون ایکی قلم اشیانک
تاریخ اعلان اوچ کون صکره یعنی ماه حالرومینک
اون ایکنجی بازار ایرتسی واون اوچنجی صالی
واون دردیجی چهارشنبه کونلری چارسوی کپرده
جواهر بدستانده مأمور مخصوص مواجهه سنده
بالمزایده فروخت اولنه جنی در سعادت بدایت محکمه سی
اجرا مأموریتندن اعلان اولنور
فی ۸ ایلول سنه ۹۹

التون ایشله قلمچ عدد ۷ التون ایشله شام کاری
قلمچ عدد ۳ ناملی طبان قلمچ عدد ۷ نورسم
کوش قلمچ عدد ۴ نورسم عزیزیه قلمچ عدد ۱۸
مچ قلمچ عدد ۲ حلالی صغیر قلمچ عدد ۵ صغیر
بل بچاغی عدد ۵ قفقون چلیکدن معمول ناملی
قلمچ عدد ۲۰ ناملی قلمچ عدد ۱۸ خردوات
قلمچ عدد ۲۰۰ صغیر و کبیر جامکان عدد ۲

عثمان اغانک بوردور متصرفی سابق احمد مختار بک
ذمتنده با اعلام الاجنی اولان مبالغ معلومه نك تأمین
استیفاسی ضمنده مدیون موچی الیهک تحت حجزه النان
النسان قبا طاش جوارنده عونى افندی محله سنده
بیت المالجی زقافنده درت نومرولی خانه عرصه سنك